

Txhua tsev neeg ntawm cov tsev kawm ntawv ib cheeb tsam hauv Appleton, Cov lus hais tuaj rau txhua tsev neeg nov muaj cov ntaub ntawv ib qho hai skom nco qab ntsoov txog tag kis muaj qhov hais qhia txog cov tsev kawm ntawv Charter School, cov vas thib nyob rau tsev kawm ntawv daim calendar rau lwm xyoo, tsev kawm ntawv charter school lub sijhawm cuv npe kawm ntawv rau xyoo 2025-26, ib co lus hais txog qhov yuav muaj ua los tom ntej nov nyob rau ntawm txoj kev Ballard Road, lub sijhawm muaj hais txog kev kawm ntawv tshwj xeeb qhia rau cov niam thiab txiv/ tus saib xyuas, cov lus hais txog pab muab ris tsho tsiv no pub rau lwm tus, cov lus pab coj thiab qhia kom koj paub txog kev txiav txim siab seb koj tus menyuam puas noj qab nyob zoo tsim nyog mus kawm tau ntawv, ib qho rov qab hais kom nco qab ntsoov txog tej kev pab rau cov menyuam kawm ntawv uas tsis muaj vaj muaj tsev nyob, cov lus ntaub ntawv hais txog tej khoo ka kawm ntawv nyob rau huav high school, hais txog thaum muaj huab cua tsis zoo tsev kawm ntawv tsis muaj kawm ntawv thiab tej khoo ka uas muaj pab rau thaum hnuv uas muaj los te los snow, muaj feem taswm suab hais tias kom tsev kawm ntawv paub txog tej ntaub ntawv muaj coj los siv ua kev kawm kevcob qhia, thiab tej uas muaj nyob rfau hauv lub zej lub zos rau cov menyuam kawm ntawv muaj feem mus koom tau.



Cov vas thib hnuv tseem ceen yuav los tom ntej no

- Hnuv Saturday, Lub 1 hlis hnuv tim 11, xyoo 2025: Tsev kawm ntawv AASD muaj qhia txog cov tsev kawm ntawv Charter School
- Hnuv Thursday, Lub 1 hlis hnuv tim 16, xyoo 2025: Xaus kev kawm ntawm ntu kawm lub Semester thib 1
- Hnuv Friday, Lub 1 hlis hnuv tim 17, xyoo 2025: Tsis muaj kawm ntawv
- Hnuv Monday, Lub 1 hlis hnuv tim 20, xyoo 2025: Tsis muaj kawm ntawv - hnuv nco txog Martin Luther King, Jr. ([Mus saib ntawm nov kom pom tsev kawm ntawv cov vas thib daim calendar txhua xyoo.](#)) Cov charter schools thiab Appleton Central cov khoo ka kawm ntawv mus raws li lawv cov vas thib nyob rau hauv lawv daim calendar, thov mus saib nyob rau ntawm koj tus menyuam lub tsev kawm ntawv los yog qhov khoo ka kawm ntawv daim calendar.

Tsuas muaj nyob rau ntawm AASD cov Charter School lub sijhawm muaj hias qhia txog cov tsev kawm ntawv

Tuaj mus koom tsev kawm ntawv qhov kev qhia txog cov tsev kawm ntawv nyob rau tag kis thaum 10:00 a.m. yav sawv ntxov- txog 12:00 p.p. Tav su nyob rau thaum hnuv Saturday, lub 1 hlis hnuv tim 11, xyoo 2025, nyob rau ntawm lub tsev kawm ntawv Appleton West Emmanuel Gym (chaw nyob yog 610 N. Badger Ave). Qhov nov yog ua pub dawb thiab qhib rau txhua tus. Muaj neeg poab txhais lub rau txhua tsev neeg uas hais lus xes pas niv los yog lus Hmoob. Tuaj koom qhov nov yooj yim heev tsuas siv ib hnuv nyob rau ib thaj chaw xwb kom paub txog txhua lub tsev kawm ntawv ntawm 15 lub tsev kawm ntawv, tsis tau them qni kawm ntawv kawm dawb, yog cov tsev kawm ntawv charter school dawb rau txhua tus. [Xav paub ntau dua ntxiv mus saib ntawm nov.](#)

Tau muaj kev pom zoo rau tsev kawm ntawv daim calendar cov vas thib thaum lub 2025-26

Tsev kawm ntawv AASD daim rau thaum muaj kawm ntawv xyoo 2025-26 tau txais kev pom zoo los ntawm tsev kawm ntawv covthawj tswj saib phab kev kawm Board of Education thaum lub 12 hlis hnuv tim 9, xyoo 2024. Ua tau raws nraim li lub xeev qhov kev sam fwm kom ua, daim calendar yeej ua kom txhua na thiv muaj kev cob qhia thiab kev kawm thiab hnuv pib muaj kawm ntawv tom qab lub 9 hlis hnuv tim 1. Daim calendar uas tau txais kev pom zoo muaj ua kom muaj cov sijhawm txhua na thi kom haum thiab dhos rau thaum ua tej zaum muaj qhov muab tsev kawm ntawv kaw tsis muaj kamw ntawv txog 2 hnuv vim yog muaj huab cua tsis zoo thiab ua kom lub sijhawm xaus kev kawm ntawv xyoo xaus kawg rau thawj lub as thiv ntawm lub 6 hli. [Mus saib nyob rau ntawm nov kom paub ntau dua ntxiv.](#)

Daim ntawv thov cuv npe kawm ntawv rau tsev kawm, ntawv AASD cov tsev kawm ntawv charter school tam sim no qhib cuv npe tau

Cov tsev kawm ntawv charter school daim ntawv cuv npe kawm ntawv tam sim no pib qhib cuv npe kawm ntawv rau thaum lub xyoo 2025-26 school year. Tsev kawm ntawv AASD cov tsev kawm ntawv charter schools yog cov tsev kawm

ntawv dawb tsis tau them nqi kawm ntawv, cov tsev kawm ntawv rau txhua tus ua muaj cov kev kawm zoo tau txawv txawv, muaj khoo ka kawm tshiab, xws li kev kawm txog tej teb chaws zej zog toj roob hauv pes, kawm ntawv nyob rau ua kom koj paub txog txhua yam uas cov tsev kawm ntawv muaj rau kawm. hauv online, kawm ua ntawm tes, kawm tsim tej khoom tshiab, tsim tej khoom siv, kos duab teeb duab ua yeeb yam, kawm ntau hom lus, thiab kev kawm hu ua Montessori. Tsev kawm ntawv qhov kev cuv npe kawm ntawv yog rho npe cuv xab laj saib leej twg tog tus tau kawm yog li ntawd tsis tas yuav maj cuv npe; siv koj lub sijhawm ua kom koj paub ntaudua ntiv txog tej uas tsev kawm ntawv muaj. [Mus saib nyob rau ntawm nov kom paub ntau dua ntiv txog lub sijhawm thiab dab tsi koj yuav tsum muaj thiaj li cuv npe tau kawm ntawv.](#)

Kev txhim kho ntawm txoj kev loj I-41 muaj kev cuamtshuam txog rau AASD cov tsev kawm ntawv uas nyob rau sab qaum teb

Raws qhov nyuam qhuav hais tawm los ntawm tsoom fwm saib rau phab kev tsav tsheb, qhov kev txhim kho txoj kev loj nyob rau ntawm txoj kev Ballard Road qhov kev sij tshuam yuav muaj kevcaum tshuaj ntau heev rau tsev kawm ntawv AASD ntau lub tsev kawm ntawv nyob rau sab qaum teb nyob rau thaum xyoo 2025, xws yog lub tsev kawm ntawv Appleton North High School, lub tsev kawm ntawv Einstein thiab lub tsev kawm ntawv Kaleidoscope middle schools, lub tsev kawm ntawv Huntley Elementary School, thiab lub tsev kawm ntawv Appleton Public Montessori.

Tus choj hla txoj kev Ballard Road yuav muab kaw kiag feem ntau ntawm lub xyoo, nrog rau qhov xav hais tias yuav rov qab qhib nyob rau thaum “yav lig ntawm lub caij nplooj ntoos zeeg.” Ib qho ntiv thiab, tag nrho 4 txoj kev nkag thiab tawm ntawm txoj kev loj nyob rau ntawm txoj kev Ballard Road qhov kev sib tshuam yuav tau muab hloov thiab kho nyob rau thaum nraub nrab ntawm lubcaij ntuj sovthiab lub caij nplooj ntoos zeeg, nrog rau ntawm txoj kev E. Capitol Drive nraub nrab ntawm txoj kev Ballard thiab txoj kev Commerce Court. Yog yuav nrhaiv kom paub txog saib puas muaj lwm txoj kev rau koj thaib koj tus menyuam kawm ntawv siv tau, thov mus saib nyob rau ntawm website [WISDOT I-41 Project - Ballard Road Interchange website](#) kom paub txog qhov muaj dua tshiab.

Kev sib raug zoo & kev sib tham rau cov niam thiab txiv hais txog kev kawm ntawv tshwj xeeb

Tuaj koom tsev kawm ntawv ib zaug thaumyav tsaus ntuj kom muaj kev sib paub thiab kev kawm nrog rau cov niam thiab txiv ntawm cov menyuam kawm ntawv uas muaj tej yam uas lawv ua tsis taus muaj qhov xiam oob khab. Thaum yav tsaus ntuj nov muaj qhov uas cia rau sawv daws sib nug, qhia txog tej uas lawv tau ntsib tau pom thiab tej uas lawv paub, thiab tau cov tswv yim zoo nyob rau thaum uas tuaj koom ua ke li nov. Qhovnov yuav muaj nyob rau hnuv Wednesday, lub 1 hlis hnuv tim 22, xyoo 2025, thaum 5:00 – txog 6:30 p.m. yav tsaus ntuj nyob rau ntawm lub tsev kawm ntawv Einstein Middle School Chav noj mov (chaw nyob yog 324 E. Florida Ave). Muaj dej haus thiab khoom txom ncaug rau sawv daws noj thiab. Qhov tau tuaj nyob ua ke linov yog ua pub dawb tab sis koj yuav tsum tau [cuv npe](#) rau txhua tus uas yuav tuaj koom. Yog koj muaj lus nug, thov hu mus rau [Amy Steiner](#).

Pab ua kom cov menyuam kawm ntawv ntawm AASD cov tsev kawm ntawv nyob sov so thaum lub caij ntuj no

Peb tab tom nrhiav kom tau ib cov khoom siv rau thaum lub caij ntuj no los pab rau txhua tus menyuam kawm ntawv uas xav tau kev pab. Yuav muaj kev txais yuav cov khoom sawv daws muab tuaj pab nqa tuaj rau tsev kawm ntawv pib thum lub 12 hlis hnuv tim 11 - txog rau lub 2 hlis hnuv tim 28, xyoo 2025, nrog rau cov khoom nqa tuaj pub dawb rau tsev kawm ntawv txais yuav tau nyob rau thaum hnuv muaj kawm ntawv nraub ntawm 9:00 a.m. yav sawv ntov thiab 2:30 p.m, yav tav su nyob rau ntawm qhov chw hu ua Welcome Center, Tsev neeg thiab lub zej lub zos qhov chaw tuaj sib koom tau lub hoob kas nyob rau ntawm qhov chaw nyob, (2701 N. Oneida Street, Appleton). Cov khoom tav tau yog xws li hnav looj tes, khauv raj tiv no, khau, kaus mom tiv no, phuam tiv no khwb taub hau, tsho tiv no, tsho loj tiv no, ris hnav tiv snow, thiab cov thom khwm thoom thaub sov sov, Thov xav txog yam khoom uas dej txoom tsis tau rau thiab yog cov tiv no los pab kom cov menyuam kawm ntawv nyob tau kaj siab lug rau thaum lub caij ntuj no. Yog hais tias koj muaj lus nug, thov hu mus rau [Julie Bargholtz](#). Ua tsaug rau koj tus muaj siab dawb siab zoo thiab muaj kev pab ! [Xav paub ntau dua ntiv mus saib ntawm nov.](#)

Kev coj ua kom ntsib kev noj qab nyob zoo rau thaum mus kawm ntawv

Peb paub hais tias yeej tsis yooj yim los txiav txim siab saib koj tus menyuam puas muaj mob tsim nyog cia nyob rau hauv vaj hauv tsev los yog twb zoo mob zoo nkeeg ntsib kev noj qab nyob zoo tsim nyob cai mus kawm ntawv. Peb kuj paub hais tias qhov niaj hnuv tuaj mus kawm ntawv tsis qhaj ntawv yog ib qho tseem ceeb rau menyuam qhov kev noj qab nyob zoo, muaj kev koom tes, thiab muaj kev kawm. Peb thov nquas hu kom txhua tsev neeg xa kom tau lawv cov menyuam tuaj mus kawm ntawv yog hais tias lawv yeej noj qab nyob zoo thiab tsis muaj mob muaj nkeeg thiab muaj peev xwm yuav koom tau rau txoj kev kawm ib hnuv dhau rau ib hnuv. Mus saib nyob rau ntawm nov kom paub ntau dua ntxiv txog qhov uas seb koj tus menyuam puas noj qab nyob zoo tsim nyog cia mus kawm ntawv mus saib nyob rau qhov [ntawm nov](#).

Kev pab rau cov menyuam kawm ntawv uas hloov ib qho chaw nyob rau ib qhov chaw

Nyob rau ntawm tsoom fwv fevdeslaus txoj cai hu ua McKinney Vento Homeless Assistance Act, tsev kawm ntawv AASD muaj kev pab rau cov menyuam kawm ntawv thiab lawv tsev neeg yog thaum twg lawv muaj qhov teeb meem tsis muaj vaj muaj tsev ib qho chaw nyob ruaj khov. Tsev kawm ntawv tus neeg saib txoj cai McKinney Vento Liaison, hu au Molly McGregor, muaj sijhawm yuav pab ua kom cov menyuam uas tsi muaj vaj muaj tsev nyob tsis rauj chaw kom tau txais kev pab rau kev kawm ntawv raws li qhov toob kas thiab txuas tau rau tewj kev pab muaj nyob rau hauv lub zej lub zos. [Mus saib nyob rau ntawm nov kom paub ntau dua ntxiv](#).

Pib kawm College Tam sim nov/Tau qhab nia uantej rau College Credit/Qhov khoo ka ntawm hnuv kawg ntawm kev thov kom ua kom tau qhab nia rau High School cov Credit

Tsev kawm ntawv AASD muaj 3 qho khoo ka rau cov menyuam kawm nyob rau high school uas tsim nyog tau kawm cov uas xav cuv npe kawm ntawv nyob rau cov tsev kawm ntawv 2 xyoo-los yog 4 xyoo cov college los yog cov University nyob rau hauv lub xeev Wisconsin. Hnuv kawg ntawm qhov kev rau thaum lub semester thaum lub caij nplooj ntoos zeeg cov chaw kawm ces yob tahum lub 3 hlis hnuv tim 1 ntawm txhua xyoo muaj kawm ntawv. Tej uas yuav tsum muaj ces muaj raws li nram qab nov:

Qhov khoo ka pib kawm college tam sim nov [\(nias rau ntawm nov kom paub ntau dua ntxiv.\)](#)

- Muaj rau cov menyuam kawm ntawv nyob rau qib 11th thiab 12th.
- Cuv npe mus kawm nyob rau lub xeev Wisconsin cov tsev kawm ntawv Technical College
- Cov menyuam kawm ntawv yuav tsum muaj tus qhab nia tag nrho nyob rau hauv high school tsawg kawg nkaus yog 2.0 rau thaum lub sijhawm uas txiav txim siab cia kawm.
- Cov chaw kawm thaum lub caij ntuj sov **tsis** txais yuav.
- Cov menyuam kawm ntawv koom tsis tau kev kawm nyob rau qhov kev kawm college tam sim nov thiab qhov kawm kom tau qhab nia ua ntej rau cov tsev kawm ntawv college tib txhij ua ke.

Khoo ka kawm kom tau qhab nia ua ntej rau thaum kawm ntawv nyob College [\(Mus nias rau ntawm nov kom paub ntau dua ntxiv.\)](#)

- Muaj rau cov menyuam kawm ntawv nyob rau qib 9-txog qib 12.
- Cuv npe mus kawm ntawv nyob rau lub xeev Wisconsin cov tsev kawm ntawv qib siab University of Wisconsin, cov college ntawm tej haiv neeg, thiab cov tsev kawm ntawv qib siab kawm ntawv ntiav uas tsis yog lub tsev kawm ntawv ua lag luam. Tsis hais txog lub xeev Wisconsin cov tsev kawm ntawv Technical College.
- Cov menyuam kawm ntawv yuav tsum muaj tus qhab nia tag nrho nyob rau hauv high school tsawg kawg nkaus yog 2.0 rau thaum lub sijhawm uas txiav txim siab cia kawm.
- Cov chaw kawm thaum lub caij ntuj sov kuj siv tau.
- Cov menyuam kawm ntawv koom tsis tau kev kawm nyob rau qhov kev kawm college tam sim nov thiab qhov kawm kom tau qhab nia ua ntej rau cov tsev kawm ntawv college tib txhij ua ke.

Thov ua kom tau qhia nia rau High School cov Credit ([Mus saib kom paub ntau dau ntiv, nias rau ntawm nov.](#))

- Kev kawm yog nyob rau sab nraud tsis yog nyob rau hauv tsev kawm ntawv hnuv muaj kawm ntawv tus menyuam nws kawm nyob rau nws lub sijhawm thiab nws them nws tus nqi kawm ntawv.
- Tsev kawm ntawv AASD yuav maub ua tib zoo saib tus menyuam qhov uas nws muaj feem ua thiab kev txiav txim siab seb yuav muab qhab nia ntau npaum li cas rau cov credit nws kawm nyob rau high school.

Yog hais tias koj muaj lus nug thov tiv tauj mus rau koj tus Counselor nyob rau hauv koj lub tsev kawm ntawv .

Cov lus thiab ntaub ntawv hais txog thaum tsev kawm ntawv tsis qhib thiab tsis muaj kawm ntawv

Thaum twg yog muaj huab cua tsis zoo, tsev kawm ntawv ua raws li [txoj kev coj kev ua](#) los ua kev txiav txiv saib puas yuav tsis qhib tsev kawm ntawv tsis muaj kawm ntawv los yuav qhib cia kom muaj kawm ntawv. Tsev kawm ntawv yuav tsum tau txiav txim siab los ntawm qhov uas yog qhov zoo tshaj plaws rau txhua tus menyuam kawm ntawv. Peb nrog txhawb thiab siv zog pab txhawb koj thaum muaj kev txiv txim siab kom yog qhov zoo tshaj plaws rau koj cov menyuam. Yog yeej yog tus txiav txim tau zoo tshaj plaws ntawm koj tus menyuam kev noj qab nyob zoo thiab kev nyab xeeb. [Yog hias tias koj txiav txim siab cia koj tus menyuam nyob rau tom tsev nyob rau thaum hnuv uas tsev kawm ntawv muaj kawm ntawv , thov ua tib zoo saib kom meej hu mus rau koj tus menyuam lub tsev kawm ntawv qhiv rau tsev kawm ntawv paub txog qhov kev qhaj ntawv.](#)

Ua li cas kuv thiab li paub hais tias tsev kawm ntawv tsis qhib thiab tsis muaj kawm ntawv? Yuav hais qhia rau txhua tsev neeg los ntawm muab tso tawm rau hauv qhov hu ua Infinite Campus hu xov tooj tuaj qhia, xa email tawm, sau text messages, los yog ua tag nrho ob qho tib si kom ncav cuag txhua tsev neeg yog thaum twg muaj qhov muab sijhawm hloov kom kawm lig dua txhua zaos los yog tsis muaj kawm ntawv. Thov saib kom meej hais tias [Koj tus xov tooj thiab qhov uas tsev kawm ntawv tivtau tau rau koj nyob rau hauv finite Campus tseem yog koj qhov niaj hnuv siv](#) tseem siv tau niaj hnuv nov. Nyob rau tej hnuv uas muaj qhov xoom xaim tsis paub meej txog huab cua, txhua tsev neeg yeej niaj zaos mus saib tau nyob rau ntawm tsev kawm ntawv qhov website lo syog nyob rau ntawm tus menyuam kawm ntawv lub tsev kawm ntawv qhov website. Txhua tsev neeg kuj mloog tau xov tooj cua uas hais tawm nyob rau hauv lub zej lub zos los yog saib tej tshooj tv nyob rau hauv lub zej lub zos kom paub txog qhov uas tsev kawm ntawv kaw tsis muaj kawm ntawv.

Tsev kawm ntawv yuav ua kom muaj kev qhia tawm raws li lub caij nyoog kom tsis txhob muaj ntau yam los cuam tshuam nyob rau thaum yav sawv ntxov.

- Qhov website thiab qhov nyob rau hauv khoos phis tawj yuav muab tso tawm kom tiav sai li sai tau
- Xa Email tawm kom ntxov li ntxov tau, pib kiaj tsis ntxov tshaj 5:00 a.m. yav sawv ntxov
- Ntau ntawv text qhia tawm kom ntxov li ntxov tau, pib kiaj tsis ntxiv tshaj 5:00 a.m. yav sawv ntxov
- Hu xov tooj thaum 5:45 a.m. yav sawv ntxov, yog cia ua kom muaj sijhawm txaus rau 10,000+ tawm tus xov tooj hu kom tau kom tiav kom tag tsis ntev tom qab 6:00 a.m. yav sawv ntxov.

Ib qho hais txog qhov cia siv lub tshuab khoos phis tawj kaw suab hua xov tooj tuaj: Tsev kawm ntawv au haujlwm rau coob tshaj 15,000 tus menyuam kawm ntawv thiab tsev kawm ntawv qhov kev siv tshuaj hlwb hlau khoos phis tawj hu xov tooj tsis muaj peev xwm yuav hu tau rau txhua tus tib lub sijhawm. Tej zaum yuav siv ob peb na thi thiab li tuaj txog rau koj tsev neeg tom qab uas twb xa cov ntaub ntawv tshaj tawm lawm. Yog vim li ntawv , tsev kawm ntawv thaj li muab tso tawm nyob rau ntawm tsev kawm ntawv qhov website thiab tej uas siv nyob rau hauv khoos phis tawj kom sai li sai tau yog thaum tsev kawm ntawv paub kiaj haisd tias tsev kawm ntawv yuav pib lig dua los yog yuav tsis muaj kawm ntawv nyob rau hnuv ntawd.

Cov khoo ka muaj kev koom tes kom muaj tej yam rau tej hnuv uas los te los Snow

Yog thaum twg muaj huab cua phem tshwm sim tuaj thiab cov tsev kawm ntawv tsis muaj kawm ntawv, tsev kawm ntawm muaj kev koom tes nrog rau Boys & Girls Clubs ntawm Fox Valley thiab YMCA muaj peev xwm pab! Ob qho khoob ka muaj kev pab saib cov menyuam rau txhua tsev neeg nyob rau cov hnub ntawd. Muaj tej yam rau ua thiab muaj zaub mov zoo rau noj, lawv kuj muaj qhov chaw muajkev nyab xeeb thiab pab rau cov menyuam kawm ntawv nyob rau thaum uas cov tsev kawm ntawv tau muab kaw tsis muaj kawm ntawv vim yog muaj huab cua tsis zoo los yog muaj lwm yam uas tsev kawm ntawv tsis xav hais tias yuav muaj tshwm sim. [Mus saib ntawm nov kom paub ntau dua ntxiv.](#)

Cov lus tau hais kom muaj cov lus hais qhia kom paub txog tej kev xav rau tej ntaub ntawv muab coj los siv ua kev kawm kev cob qhia

Kuv rooj tsav xwm saib phab kev kawm Board of Education, uas yog cov thawj tswj ntawm cov tsev kawm ntawv, muaj cai raws li txoj cai los nrog lees paub lav phib zaub rau txhua yam ntaub ntawv coj los siv ua kev cob qhia kev kawm rau tej khoob ka kawm ntawv ntawm AASD cov tsev kawm ntawv. Kev xaiv cov ntaub ntawv coj los ua kev cob qhia kev kawm kuj tau muab rau ib pab neeg uas muaj kev kawm muaj ntaub ntawv ua pov thawj yog cov ua hauj lwm rau tsev kawm ntawv los nrog saib xyuas. Lub luag hauj lwm rau kev saib xyuas thiab ua kom muaj tus ciam ntsuas kev xeeb ntawv, kev kawm thiab kev cob qhia (ACI).

Peb tab tom nrhiav tswv yim xav paub saib sawv daws xav li cas rau cov ntaub ntawv coj los siv ua kev kawm kev cob qhia rau cov chav kawm:

- [Qib kawm nyob Middle School hais txogtinb neeg lub neej thiab keeb kwm](#)

Raws li qhov kev coj ntawm kev pom zoo txais yuav, tsev kawm ntawv AASD cov neeg ua hauj lwm, cvov menyuam kawm ntawv, cov niam thiab txiv, thiab cov nyob koom zej koom zos kuj cai rau muaj feem los soj ntsuam thiab hais qhia txog lawv tej kev xav ncig txog cov ntaub ntawv muab coj los ua kev kawm kev cob qhia raws li qhov tau xav kom muaj, Tag nrho cov lus muab tau los ua ke yuav muab rau ib pab neeg los muab ua tib zoo saib los ua kev txiav txim siab zaum kawg rau cov ntaub ntawv yuav coj los siv ua kev kawm kev cob qhia coj mus hais qhia rau AASD cov thawj tswj saib phab kev kawm Board of Education. [Mus saib ntawm nov kom paub ntau dua ntxiv txog cov ntaub ntawv muab coj los saib nyob rau ntawm AASD.](#)

Tej uas muaj nyob rau hauv lub zej lub zos rau cov menyuam kawm ntawv muaj feem mus koom

Txhua lub hlis tsev kawm ntawv AASD qhia txog tej uas muaj nyob rau hauv lub zej lub zos, tej uas lub zej lub zos muaj rau cov menyuam kawm ntawv muaj feem mus koom ua nrog rau tej uas yuav muaj los yav tom ntej nov thiaj tej yam muaj rau ua xws li kos daub ua yeeb yam, ntaus yas suab, cov hluas kev sib tw ua kis las, tej haiv neeg muaj kev ua koob tsheej, cov khoob ka ua kom paub thiab txawj ntau dua ntxiv, thaib ntau yam ntxiv. Peb xav pab txhawb nqa kom txhua tsev neeg nrog muab tej nov coj los saib txog tej uas muaj rau cov menyuam kawm ntawv muaj feem mus koom ua tau nyob rau hauv lub zej lub zos rau txhua tus cov menyuam kawm tus hlob tus yau txhua tus. [Mus saib nyob rau ntawm nplooj ntawv nov kom pom thiab paub txog tej uas tam sim nov muaj feem mus koom tau.](#)

Koj puas tau txais ib daim luam tawm rau koj hais txog tsev kawm ntawv tej lus muaj tahm tawm,, cov ntaub ntawv xov xwm tshaj tawm los ntawm lub zej lub zos, tau maub xa tawm nyob rau lub hlis tas los lawm? Mus saib tau [nyob rau ntawm nov.](#)

[Kom plam tsis tau pom cov ntaub ntawv lus hias qhia rau txhua tsev neeg? Mus thsawb saib tag nrho txhua qhov nyob rau ntawm nov.](#)